

巫山縣志卷三十

古蹟志 金石 古墓附

古今人不相及矣而流風餘韻遺餉靡窮嗜奇者往往尋勝探幽摩挲故物追溯芳蹤斷碣殘碑片石珍於拱璧荒煙蔓草廢壟禁夫採樵抑以其人其事之不可湮沒也志古蹟

巫縣故城在縣東卽漢南郡巫子城

大昌故城在縣北

江陰故城在縣西六十里後周太和初置建甯中廢

巫山縣志

卷三十

古蹟

一

南陵廢縣在縣南大江南岸與陽臺對東晉時置縣屬

建平郡劉宋元嘉中廢

北井廢縣在縣北

天賜城在縣西北一統志城在廢大昌縣西六十里有

奇宋將廉康所築景定中守將徐宗武立石

故東陽府在縣東一里唐志夔州有府一曰東陽元統

志隋置唐貞觀三年廢

楚王宮在縣東北一里寰宇記在縣西北二百步陽臺

故城內入蜀記楚故離宮俗謂之細腰宮前□□池

亦當時燕遊之地今湮沒畧盡元統志細腰宮在縣
東北一里許府志在女觀山西畔小山頂三面皆荒
山南望江山奇麗

昭君村在縣東九十里秭歸興山俱有是名但杜詩有
云若道巫山女麤醜何得北有昭君村按王嬙字昭
君生於峽州州有昭君村村中凡生女必灸其面白
樂天詩不效往者戒恐遺來者寃至今村女面燒灼
成癍痕

望江亭瞻雲亭俱在縣西今廢

巫山縣志

卷三十

古蹟

二

瞻華亭今廢宋鄧諫從有詩見藝文

陽雲臺在縣西北一云在北城內寰宇記臺高一百二
十丈南枕大江每陰雨雲霧先起卽宋玉賦所謂楚王
遊於陽雲之臺也方輿覽勝在縣西北五十步又高唐
觀在縣西北二百五十步吳船錄陽臺高唐今在巫山
來鶴峯上

藏春塢一統志在大昌今三台崖卽其地也其中空洞
可容百人

陽雲樓梁簡文帝時元帝爲湘東王倡和有詩

得勝宮治東六十里宋濂詩關羽旌旗何處去空留英
氣照滄波

王化城在治東北

斬龍臺治西南八十里錯開峽一石特立相傳禹王導
水至此一龍錯行水道遂斬之故峽名錯開臺名斬龍
魯班巖治東十五里上有斧鑿風箱形迹

石孔沿甯河山峽俱有唐劉晏所鑿以引鹽泉

雲臺去治南二里有觀

風箱峽在舊大昌縣境內懸壁之上壘壘形類風箱或

巫山縣志

卷三十

古蹟

三

類棺人不能近攀援而至者卽見大蛇

魯班洞在舊大昌縣東十里河邊洞門如屋形內深丈
餘俗傳爲魯班所鑿

八景

夕霞返照 南陵春曉 陽臺暮雨 甯河晚渡

澄潭秋月 秀峯禪刹 女觀貞石 清溪魚釣

附大昌八景

泮水拖藍 聚奎聳翠 金頂霽雪 唐帽晴雲

龍池夜月 羊耳秋風 七里春耕 昌陽晚

玉光亭信州圖經在縣廳之東章郇公詩碑在焉蜀人
青陽楷和韻云鳴琴宰相有三長吟得新詞敵夜光妙
是斷章無以和神仙官職水雲鄉

蜀道難梁簡文帝詩云巫山七百里巴水迂迴曲笛聲
下復高猿嘯斷還續

金石

漢鹽鐵盆記黃太史石刻云余弟嗣直來攝邑事堂下
有大鹽盆有款識蓋漢時物也其末曰永平二年卽巴
官鐵盆銘永平七年輿地碑目云在巫山縣陸游入蜀

巫山縣志

卷三十

古蹟

四

記縣廡有故鐵盆底銳似半甕狀極堅厚銘在其中蓋
漢永平中物也缺處鐵色光黑如佳漆字畫淳質可愛
玩有石刻魯直作盆記隸續云銘十六字云巴官三百
五十斤永平七年第廿七西建中靖國初黃魯直自戎
州東歸厥弟叔向攝巫山有大鹽盆積水堂下以植蓮
芡魯直去其泥而識之其文鑄出鐵上故雖有發筆而
勢不可縱人或指以爲篆首行惟有一字如己而反最
後一字如西而有連筆魯直以爲前刀而後西亦謂之
秦篆又以金爲戊皆誤也金石錄作鐵量銘金□□永

平七年王氏作二年誤

按以上出李雨村蜀碑記補今不存惟張珖白鹽赤
甲四大字在奉節峽口石壁上志畧在巫山城東白
鹽山疑誤

晉桓溫隸字碑在巫山有太史跋嘉定癸未漕使王觀
之併黃太史跋俱徙置漕廳王漕又作跋語考之爲晉
周撫墓碑今亦湮沒

神女廟碑在巫山集古錄唐李吉甫詩一首以貞元十
四年刻邱元素一首無刻石年月李貽孫三首會昌五

巫山縣志

卷三十

古蹟

五

年刻敬騫一首元和五年刻沈幼真書其他皆無名氏
巫山詩碑唐金吾衛兵曹參軍沈幼真撰元和五年建
按以上出宋王象之蜀碑記今碑俱不存

黃庭堅古楚宮石刻志畧在巫山

神女廟岫嶼碑縣志夏后自題七十七字於衡山岫嶼
峯爲岫嶼碑明國子監沈鎰爲豎碑於神女廟其文與
夔府白帝廟同 今高唐觀重刻有碑

承帝曰嗟翼輔佐清水處 讀作洲渚 與登鳥獸之門參身洪
流而明發爾興久旅忘家宿兵麓庭智營形折□□不

辰往求平定華岳泰衡宗疏事哀勞餘伸裡鬱塞昏徙
南瀆衍亨衣制食備萬國其甯竄舞永奔

大甯監創築天賜城記右武大夫左屯衛大將軍知夔
州主管夔路安撫司公事節制本路屯戍軍馬固始縣
開國男食邑三百戶徐缺名記文林郎中差大甯監判

趙孟柏篆額書丹武功郎閣門宣贊舍人權發遣大甯
監兼管勸農事節制屯戍軍馬張缺名奉命勒石景定

癸亥季冬吉日

按此記石刻今在巫山縣緣唐宋時大昌大甯合而

巫山縣志

卷三十

古蹟

六

爲一唐時但有大昌縣宋設大甯監領大昌縣今大
昌屬巫山此記從巫山得來故編在巫山大甯兩縣
石刻久爲土瘞農夫掘土得之通志云天賜城宋將
廉康築景定中守將徐宗武立石又夔州峽口有鐵
柱上刻守關大將軍徐宗武八字以此觀之徐公乃
徐宗武也景定宋理宗年號

高唐觀石刻高唐觀在縣城外西山頂宋玉賦高唐卽
此王漁洋蜀道驛程記高唐觀在城西上山三里許自
乾隆乙亥年重建殿宇三層山有明人繆宗周□□□

碑

黃葛樹銘縣署三堂前有黃葛樹數百年物也獻賊之亂署被火焚惟樹獨存春夏之交更易新葉形如華蓋每值月白風清有仙鶴往來鳴於其上凡邑令履任及朔望俱拈香爲禮知縣楊佩芝爲之銘至同治九年洪水淹沒樹萎銘失

龍洞石龍治南坪龍壩有絕巖壁立雲表巖根有深洞左頂上有懸石二枚俗呼爲牛肝馬肺木自上滴下涓涓不竭中有自生龍臺高二丈餘上有石龍形如螺髻

巫山縣志

卷三十

古蹟

七

鱗甲森然水左右旋之終年不涸洞口羅列佛像數十尊外環以石城冬溫夏涼真異境也前任臬司黃雲鵠過此題石曰臥龍痕宛然泉味殊甘美終古沁人心潛伏不須起又石刻寶曇洞三字明萬曆六年僧德海題虎頭巖廢大昌縣對河一里相傳巖大崩便發科甲屢驗云

神女詩吳簡言一日爲神女辨誣云惆悵巫娥事不平當年一夢是虛成只因宋玉閒脣吻流盡巴江洗不清是夜夢神女致謝而去

巴峽夜吟建隆初有人泊舟巴峽夜聞人咏曰秋徑堆
黃葉懸崖露草根猿聲一叫斷客淚數重痕通宵凡吟
百遍又有梁伯升者歇業廢宅中夢一女子綠裙紅袖
呼梁君聽妾幽恨之句詩曰卜得上峽日秋來風浪多
江陵一夜雨腸斷木蘭歌

文敏手書趙文敏手書十二峯詞昔刻於巫山縣令厭
其求索之煩磨去僅於士大夫家見之

神禹受符壇祝史云每八月十五夜月明時有絲竹之
音往來集仙峯頂上猿鳴達旦方止凝真觀後山半有

巫山縣志

卷三十

古蹟

八

石壇平曠傳云夏禹見神女授符書於此壇上觀十二
峯宛如屏障

巫山南陵山極高大
有路如綫盤屈至頂謂之一百八
盤往施州正路黃魯直詩云一百八盤攜手上至今歸
夢繞羊腸卽謂此也

神女廟題詩沈佺期王無競李端皇甫冉四詩爲絕倡
見藝文

赤溪老龍洞石刻護國佑民
勅賜甘霖響應
知縣吳澤

被蒼生
知縣李靈應
知縣徐霖題
碑序
典史彭光緒
□□年

御賜五溪澤溥四字赤溪老龍列入祀典位設治東仁泉寺
神女峯石刻萬壘保障巫峽在治東峽中青石對岸懸
巖上

壽字碑出廣西梧州城外冰井寺係呂純陽書明正德
九年韓雍錄光緒十六年巫山營都司熙崇鑄於營署
西花廳有識

古墓

將軍墓入蜀記將軍東晉人也一碑在墓後跌陷入地
碑傾前欲壓字纔半存疑卽周撫墓
桓温有碑

巫山縣志

卷三十

古蹟

九

楚王塚在城東細腰宮傍墓前有池相傳爲楚王池

唐張滂墓在縣東橋子溪傍有碑官至給事中

唐孫浦墓梁大通間葬在峯崇寺前官孔目

明康茂才墓在縣西南九十里官大將軍洪武初領兵

征明昇被流矢中傷卒葬於金沙灘卽今之大溪口也

碑石現存

宋王文義母墓在縣西門外會仙橋溪傍有水卽當年
文義之孝感泉也四時不竭明時泉涸今復出

韓將軍墓在廢大昌縣西十里碑石不辨人代□□□

狀元墓在廢大昌縣北二十里水口堡相傳爲狀元墓
年代失考

柳布政使墓在治東龜山上碑石現存

傅梅作楫父墓在治南大江邊碑石屹立柏樹參天

明威將軍匡明鼎墓在南岸沙落坪碑石猶存